



INTRODUCZIUN

DA SUR MARCUS FLURY

La crappa ei restada giun plaun. Negin ha condemnau. Mo atgnamein era tut sempel e clar. La lescha da Moses vul schurmegiar la lèt看 e di: Tgi che vegn traplaus vid il rumper la lèt看, sto vegnir encarpaus. Ils docturs dalla lescha san sereferir sin quella lescha ed els drovan ella oravontut per metter Jesus sin emprova. Mo el selai buca pigliar. Per el ei il carstgaun el center e buca la lescha. Ei va a Jesus era buca per far pigns ils docturs dalla lescha ed ils farisès. Sin moda fetg sublima muossa el quei. El stat davongiu e scriva el sablun. Mo pér cu els insistan, di el: «Quel da vus ch'ei senza puccau, fieri igl emprem crap sin ella!»

Nus vein cheu da far cun ina historia da conversiun. Mo il remarcabel ei, che buca mo quella persuna seconverta che ha surpassau la lescha, mobein era quels che secapeschan sco survegladers dalla lescha e dalla morala. Els ston tschentar en damonda lur principis dirs.

Jesus ha liberau ton ils farisès sco la dunna. Ils ins dallas cadeinas da lur principis dirs, la dunna dalla mort. Ad omisdus ha el dau la pusseivladad per ina nova entschatta. Alla dunna di el: «Va e buca fai pli puccau!» Ella astga viver ord la forza da sia misericordia.

EVANGELI

Gn 7,53–8,11

⁵³Sinquei ei scadin turnaus a ca sia. ¹Jesus denton ei serendus sil Cuolm dallas ulivas.

²La damaun marvegl eis el puspei turnaus el tempel. Cu tut il pievel ei vegnius tier el, eis el sesius ed ha instruiu els. ³Cheu han ils mussaders dalla lescha ed ils farisès menau neutier ina dunna ch'era vegnida traplada enten rumper la lèt看. Els han postau ella enamiez ⁴e detg ad el: Mussader, quella dunna ei vegnida traplada gest il mument ch'ella rumpeva la lèt看. ⁵Moses ha cumandau ella lescha d'encarpar talas femnas; tgei dias ti da quei? ⁶Cun quella damonda han els vuliu metter el sill'emprova per ver in motiv da tgisar el. Mo Jesus ei staus davongiu ed ha entschiet a scriver cul det giun plaun. ⁷Cura ch'els han turnau a dumandar, ei Jesus staus ⁸sidretg ed ha detg ad els: Quel da vus ch'ei senza puccau, fieri igl emprem crap sin ella! ⁸Ed el ei puspei staus davongiu ed ha scret giun plaun. ⁹Udend ses plaid, ein els seretratgs in suenter l'auter, ils vegls ordavon. Jesus ei staus anavos tut persuls cun la dunna che steva enamiez. ¹⁰Ei ei staus sidretg ed ha dumandau ella: Dunna, nua ein els? Ha negin condemnau tei? ¹¹Ella ha rispundiu: Negin, Segner! Cheu ha Jesus detg: Era jeu condemnel buca tei. Va e buca fai pli puccau!